獨

漉

堂

文

集

一集巻之十二 羅浮陳恭尹字元孝

吳山帶行狀

君諱文煒初字儀漢先世始遷自朱世居南海大 世祖仁孫理宗紹定己丑成進士與弟端孫履孫

並官顯要歷元明三百餘年代有科第住宦為邑於 曾祖邑庠鄉字公祖邑庠贈中書舍人醒涵公考的 1四八扇魔堂文集者之十二 (他日公之長女封宜人

擬元以後場語有疵遂置不錄及已酉復中副車信以番禺蔣侯取冠一軍補弟子員名噪一時庚子聞試卷 相於以為樂而舉業獨尚清眞十九就童子試受知於年與今無常梁藥亭同視席便能拈韻作詩馳騖奇險 日山帶遂放意詩酒間畫竹石鳥獸以寄與自是求得失有命乃去名之文與火之光而以章爲名别其 踵至昕夕無暇晷天性蕭散出或不告家人所往 一始七歲周旋應對成體資客莫不稱之象分之 返自勿卷公捐館後往往度臘

售第三人出平遠合耿公之門主考編修謝公吏部干 爲刻之癸酉之役闡事旣届猶買舟將山行同人力勸 夏大中还高公屬番禺秦侯致禮延請遂同高公子軼 公並加獎重赴宴甫出便避入友人队榻鼾睡日知拜 乃就試試之前每夜基戰至曉未常一展卷也及榜發 子養售君書還家下云將往行唐劉仰山署中靜養散 山川而歸自謂筋力不耐勞苦不復作公車想丙子 如許束縛悔不早棄諸生也甲戌下第取道吳越 上抵京鼓月主於黃村高府九月朔北榜既放 | 蜀鹿堂文惠港之十二

八隨而搜錄得金茅山堂集若干卷惠州王子

得世交無錫王君紫燉書及家僮洪起稟報始知君 月然後會試自此不復有書以為行唐僻遠難於 也臘月自北來者忽有卒於良鄉旅店之傳及臘底乃 於彰義門外馬觀營之里嗚呼痛哉念君爲子侍奉 **月後即患咳嗽時仰山分闈事竣遂同之行唐行唐地** 《紫巘王君不忘平生交好親爲督理以二十九日殯 《之費屬檢討鄭珠江料理嬪事而都下薄孝廉聿修 四十餘年身爲諸生名知海內於人世未爲不及 無醫藥病勢日增乃力疾還都行至良鄉卒於旅 月二十六日酉時也家僮奔計高府軼之具殯

1月第二十三行用

遺命不得 應翁篇章情既愜棲息偶能同座爲求書滿尊慚近市 一時憑寫生手繪畫 卯嗚 手耶 君常居草堂故子秋園詩云玩世金茅子違時獨 公車北上月夜小臺酌别詩末云笑語從客 呼涌哉尹與君爲莫逆交重之以姻好自遷家 春信難期此別竟成示訣無復從容笑語 少伸罔極之報豈其孤高之性不欲沒於妻 例 獨應堂支集浴比十二 **柳所受之數與其所死之地皆有定而不可** 俱班兄孫引領聽春信消息真傳 小園風蓋紀子兩人生平景况

里使其子女病不得侍醫

見さ 賢哲咸有私諡遂按諡法博聞多能日憲內外貞復 良鄉而計聞耶嗚呼痛哉君生平讀書尚友中夜把卷 **馮室柯氏子二人長男重羅出次男貽柯出女三** 寬厚和惠克孝善持家政能佐君放誕脫略益成其高 至老不輟雖脫略世事而經緯明密發而中節借未及 .私諡為憲白先生君生於崇禎九年丙子十二)施行晚歲以詩古文解為後輩倡導遠近族城了 日卒於康熙三十五年丙子十月二十六日得年 成者不少計至之日無不涕泣悲慟謂古之 元配夫人羅 氏順德孝廉聞公羅公之四女 月

呼異哉因君男重之請誼不敢解是爲狀 以幼末聘臘底君訓未至時所居宅後金茅山地條 流星墜君屋角正其卒日也是君益鍾 如井許泥淖沮洳鄕族驚怪夜望有火大 (萎山顏應之然千里之旅 魂已 翹萬陳公長女生男孫 生贑次受聘同邑國學元十 甫鄧公長子 人孔女孫三 返首丘矣鳴 一譚公長子 川之靈 似金光芒

異之 二偏讀子史著書 門學益大進補弟子員未幾而有 謂曰汝文可領批然書不成字與鍾繇帖令學 月邊聞者驚異時尚未就塾也授之古詩輒能 以鳳洲之名名之益以木誌所夢也五歲乳媪 足於池 說十歲通 《獨應堂文集治此十二 王氏江南無錫人生有異質方產之夕考 忽謂媼曰我作詩即吟云脚踏水底 正王鳳洲先生負大木登其所居之堂 五經應童子試邑令南海廖公負 **各史用游於黃蘊生** 甲申三月ク 一楊維斗兩先 I

公促君往試試上等有旨以知縣用君視時不可爲遲 十九矣時南都新立命焮城伯趙之龍以危疆策士史大悅延入幕府日加敬異親為之冠行三加之禮君年 衡量今古或承命為詩文每當意則大喜賞以酒曰有韓問意有所觸呼酒擁衾引滿數大白君時侍奉左右 養幡然而歸娶干同邑顧氏三載顧卒奉父母居洞庭 遲不就選南都既潰寄跡僧寺者三年念久違父母色 韓間意有所觸呼酒摊衾引滿數大白君時侍奉左右公精勤佛學晚益厭聞人間事歸舊居示微疾高臥牀 東山之宋灣者八年教授生徒藉修脯以供甘旨靜持 師史公可法於淮陽進以敕時之策史公

者病象也激水警子吾母其疾平遠迴舟趨歸而母 太君逝越月矣君抱終天之恨自是得心痛疾時作 游率間歲 至南湖高岸忽崩激水滿舟君心動自念曰土為母崩 有用必周知當世之發徧識天下山川人物乃辭母 1日寅演點作並川潮總鎮宸養蔡公專人聘君抵荆 心游燕趙青齊南游江楚眞黔踰五嶺徘徊粵閩問其 《斷應堂文集卷之十二 月以終制解歸乙卯冬服関復赴蔡公之招 日至武昌之青山風在舟覆君與子完趙俱在 歸以母在也其自粵之楚也將復 何恨汝行汝志可也君旣畢父喪念學期 六溢 鄒 Mi

無門生不習水即出亦必不免淨捐餘念 也完趙 有呼救人者三起見覆舟自上流下持斧斤 **八事未** 自鑿中出得君父子死矣將棄之揣其心猶温時 日立水君日吾坐水不及胸若有物在下者然 君謂完趙曰汝坐耶立耶完趙對日立也何立 Ť 江岸州蘆 日諾俄頃已脫去君歎 ĮII 也吾顧後汝耶即冥然就寂江中漁人夜間 カランニ シンデ州 漁人具言其故 薪熾 火環之久之皆甦顧 乃復記憶問 日所戀戀餘生者先 里矣日中 正心待盡 桑鑿之有 調

君合葬于邑東鳳凰翅新阡其冬復至粵惠州使君寶 君之才周旋其患難及開府於閩君訪舊謁之適有總 志辛未夏歸無錫圖鄰地秋九月奉考靜持公妣鄒大 至夜二鼓而復活洵異事也畱邨吳公之令無錫也 於廣州粒米不入口旬日矣而聲琅琅猶平昔坐起語 膈痛不欲食猶以為宿疾也今此五月疾復大發就醫 **坻王紫詮與君相見廣州意氣契合序為兄弟去夏延** 惠州命子立安叔琬季如及兩幼孫師事焉久之病 一兩廣之擢復約之入粤前後數至因有終老羅浮之 人十八日方坐几案診脉忽眩瞀欲就

題 蜀鹿堂文美港之十二

L

今從使 時 牀 此己矣無可言者向欲埋骨羅浮 而泣尹 四方之志不遂不宜歸葬故 M 量皆已脫去 當不至是也坐 復 起卒仆於 君暇此 起矣口囑完趙身後事及墓中之銘 小愈起 黑糞 聽其聲視其 地為死所從足下假白雲 地 器堅如石色如漆 于枕謂尹 去來之際道 口鼻湧出黑血 人之 起 坐轉倒皆無死狀謂 又謂尹日吾往歲覆 日 平生飲恨於心不謂積 鄉時立安完趙皆侍 而惠 九夜復 升皆成結 州 話 穴為葬所 使君未許 下多如前 塊 分升及 旦尹趨 E 姑

一才とり三十五行が

效即乃次而和之時使君自惠入廣中途夢看山得句 忘比者不能以為老也今閱此復能之始積血既去之 即君亦自信以爲必愈矣時值連兩立安作苦兩詩完 **灰隔世矣使君愕然然時病勢已愈不以為藏也是夕** 一十日後尹視之益愈日能食粥一 和之以呈於君君閱畢笑曰吾少壯時一過目即不 由若其復生人間必無錫平吾父母之事多未了 君談甚適二十六早粥畢使君趨公府君猶起送 川夢中所見也比至公館君迎謂日數日之違幾 日暫違成隔世覺甚怪之二十五日泊廣州望郭 The same of the sa 二碗體中無所苦

欲以是得名性仇直負高氣語有不合必面折之 娓娓神采飛動使人忘去下筆項刻數十級得題便書 論說天資豪邁長身美髯音聲洪亮聞于數十步敘述 趙恐其太勞請臥便之看執不可扶之起坐倚完趙 不假思索而文義皆可觀辭無復者然皆隨手散去 有八君博學强記生長世家習先朝典故酒後喜為 月二十六日辰時卒于廣州賣麻街公館得年六)君生于明天啓丙寅年十月初十日亥時以今癸酉 有項忽復眩暈遂吐鮮血數口稍定復云欲起便完

(程波堂文集行状

無成心人能以理復之未嘗不心折也人有不善亟

皆日善乎使君之達於禮也君初字礎臣中歲易臣 歸否操自吾輩禮以義起吾將力歸其喪於其先坐而 奉遺命斂以古禮王使君助舉其丧而謂尹日君之不 焉告之或再三不改旣惡之矣而聞其有他善又必而 塵而日吾無復望矣元配顧氏早卒君年二十六矢不 葬其衣冠於羅浮以成其志其兩得平尹以告于同 亟焉稱之其好惡不偏類此平生言不及私行不近 歸葬憤世之詞云爾然父母上墓豈可以憤去耶合 無以家為也子 9/10月 1937年 14日後と十二 一餘力故其卒也無識不識皆惜之完趙 一即完趙女一適吳江趙滉

錫新阡以君自路路之而述其行為狀外概未他許故其葬也使君為表羅浮之墓尹志其足跡所至必交其賢豪然平生所稱知我尹與使君 至必变其賢豪然平生所稱知我尹與使君

焉君自舵 能文章廣州破從茂才走鄕落間遇大風覆 以為號焉祖日幼岳父日翼宸茂才君生 君諱璜姓陶氏廣州番 移家廣州史所稱陶三廣者也卒葬郡北握山故 化宏治中以討賊功仕至湖廣廣東西布政使自 其中雖有廣厦不樂也世孤門戸重大每欲棄 凡十數從所至必潔數尺一室設書史香茗且 一謝去性孤僻嗜吟咏奉母陳太君避地 後得出乃更其字曰苦子少錄為諸生非 山行狀 、初字黼子其七 而端髮十 世祖魯明 舟茂才

不問 晚 館 周 Щ 遠 郊 遊 授 坐 緩急 業 一吟瞪 也口 買宅仙湖 餐助其不給家廟在廣州城中 數年 高原創建數 多為 果又不能不至城市然當塵俗囂雜中往往 不言財利雖妻子不知其有無衣食裁足而 四方賓游至者稀見其面 目注思若 而後返家踰中 他 將頹叉竭貲重 隱占 章以 世祠字率宗族歲時祭享新會 **周聞見太君沒** 片 居時廣州 紙 人然自奉儉薄有所積 可得而君恥與之 新之以廣州身所生 初椒廢藩民 後 經 而意氣所 亂為兵居 更挈妻子 合 較竟置 有 則 持

西

獨蓋定數也 一反儉嗇而好施 同 不休嘗夢中得句云五十成名客江邊獨老身每 險易及 房弟 人高會十月之望力疾起 先 知其中 風俗 人敗下完北今秋得微疾猶旨風登 一此及五十而其子幢以上殤天老而無子 剛甫次子湛爲嗣而益學青烏家言日往 ■ 圖靡堂文集卷之十二 君素健耐勞苦日徒步行百里自其子 所 存固 、材升降盛衰之故娓娓辯論 儒 百在也居平考究古今得失 勇於爲義喜著述而不以 拜於家堂眩暈不 工工

已有貧士

所不堪者而君豁如也世俗之論謂君體

其師以杖 毎夜 無所言 E 經試さ 岳翁貨雄 其師 徒 陶家募錢為之 朗誦 鬳 叩之 以藥傅之辭 不識字師 **搠其生崇**稹 佛 至 起而恚日大 前願生翁家一夕拜而伏 郡有 月二十九日卒於正寢遺命 不 万信 生 燫 焚 泉僧常募化其家歸 丁丑 不减日 吾生陶家矣語畢而 之久之登樹摘果墜 四月一 大 明而 方授心經 (土授我至是餘 日得年五 至則陶翁 奈 地 而其徒 逾時 何醒 絶 一而傷 列香 我 始

1然哉

昨夕昏時吾見

オー・ニニスコ行財

ffij 八足而葬之足遂愈其事人人知者觀君生平猶有 概獨齋詩集二卷 習者平然而潔身獨行遯世無悶可謂高士也矣 足屈師日足屈所傷也痣紅所傅藥也歸山爲直 圖應堂交集後之十二

起而人呼之不應斯其是也茂才

獨漉堂集卷之十 祭文

外弟湛克正祭文

嗚呼吾與君豈猶乎世人所謂娚舅者即吾小 君舞象而尊大 多難尊大人寶活之中而家於君之鄉者二十餘年恭 與七弟皆幼風雨憑搖所恃以立者上有白頭之 相依旦夕相見吾終鮮兄弟視君兄弟猶吾兄弟 人早世未弱冠而合伯兄繼及當是時

既 個應堂文製港之十三

救者吾亦不

獄而病瘡者彌月叉以兩兒之病畱連鄉中君病革而大笑以慰君豈謂予甫脫獄門而君病遂亟耶吾旣出七何者熟境難忘受恩深處為家自然之理也吾去秋七何者熟境難忘受恩深處為家自然之理也吾去秋七何者熟境難忘受恩深處為家自然之理也吾去秋日, 數相見然夢寐之間在君之鄉而笑語相聚者十常六十一次。 尊大人之盛德在人有子如君而不使之永年天道人耶曷為此極且君之操行淳謹誠擊而年僅踰四 ·及缺含鉱而吾不及視泉門一閉音響

叔然

其變之 母諸弟者不與焉吾之年去五十其不遠矣或不久而 有生之可樂也嗚呼吾尙如此而謂君白頭之 之盛德與君之 一然德無不報剝而必復天之道也吾終不敢謂尊 、所哭即幸而未為人所哭而哭人不已亦安在乎)弟與君之子孫勉之一而己湊酒靈前與淚俱下君)倘饗 《獨應堂文集卷之十三)操行天道遂漠然而不可問也是在 一母何哉

三年而哭君之姊叉十年而哭君而吾之自哭父 耶嗟乎吾二十而哭尊大人又五年而哭君之

嗚呼命之不可知也自古而云然治謂其受于有生之 初而遂不可變于百年即則百年之內其窮其通其臺 祭劉顯之す

其夭有鬼神司焉也旣有鬼神矣則其人之或善或惡 善未必蒙福為惡者乃或安全窮而夭者未必皆不肖 謂其漠然而靡所定耶則人固可自操其權者也顧為 獨安能無所賞罰其間而但任其一成而莫之轉旋也

博足以貫通于六合理之察足以下窮于九淵文之雄

以馳騁乎今古行之確足以自守其深堅然而譽

一一一 かり 日とうこことととナニ

而通且壽者未必皆其賢也亦獨何哉嗚呼先生學之

者賞子之所先 百勝 天哉何其祿方及而不待壽始 心血 乃及于臂肩猶日孳孳于聖賢之精蘊往哲之遺言 家之 雨 而無前及門請業者多期期于天路 一枯于蓍述而疾遂中于筋絡手腕勞于筆墨而 、獨白首于韋編晚以明經薦起俄而 用不 楫無可濟之 一鼓則為後學之蹄筌嗚呼若是者亦何負於 不 程 月 五 了 身 祭 文 固不必取榮於時俗而欲磨礪之 究于生平大戰則屢得而復失 巨川豈才者造物之所忌 至而莫延歲早無所 而先生則窮 小戦 疾嬰纏 柳 施

傳哉是或可爲固窮者之自解而遂使先生不獲享期

安而美聲實之宏而宣皆世人所仰望而不可得者也 先生之不遇孰使予弟泣之漣璉也哉 蒼者賦命之或偏也不然先生子孫之多而才居室之)報門弟子不復聞攻叩之益者終不能無疑於

一日子のいたいとかいると十二

優於風刺汗血馳雲不踐下地飛隼摩天不勞諸君子之道卷而可懷奮發為詩汪洋自恣道 嗚呼先生稟智含淑通不偶時貞不 改振纓濯足或避牆東或在空谷司馬佳佳東方歌 不曲早賓於王多士眉目天工人代雲章玉軸時移 五十之年亦云壽至有子知名斯文不墜 而斃必信必誠吾何從涕自君之沒 光影徘徊思君共吟奮袂揚鬣朋傳之會 獨應堂文集卷之十三 絶俗直 逍遙自得 一而不 明月獨 (而至後

、嗟君之沒吾誰望焉飲形空木靈爽何存 事不能自决我之懷矣中心如結思君之 酹窮泉心非木石能不潜然嗚呼哀哉 徐動詞端蜂起 迎 送思君其間談笑微中

嗚呼今而後知千載而上志節之士懷負耿介 悴者是何用心與人背絕也又不獨是朋友道喪於偽 運 泰而不得其姓名者不可勝數也夫其才未究之 所存况後世操筆者乎嗚呼君國家 而忠不期於自街羣居鄰處或至沒齒而莫測其心 窮 日敦其誠末俗尚巧而君益安其拙舉國爭利 夠厚祿之家縮胸以圖存君葉儒冠盛年自廢 一 獨應堂文集港之十三 散盈廷弓旌 被野而君未常與之同榮及夫 不西走 Щ m 東入海行吟憂鬱 老諸生耳屬 若與之同 施

趙意子文

世也不然以君之强骨壯氣負固靜篤法皆宜壽豈其 僅及六十而遂止哉古之君子不所永於生前而欲 於其友然而某等老矣天與善人必將使君之子若孫 君益嗜其貧方天之未定而行不偶時宜其不久施 於死後君之志猶是也聽濟表章於其子謝期許劍 與而傳之而欲恃區區未盡之故人能不沒君之行 無幾也一酹几筵言悲而短嗚呼哀哉

肖而申之以昏姻計是 巢之鴯嚴伏於弼唐尊大人使 至予寄於泥 體荷養笠行風濤雷雨 **及拜館大** 東而後脫子於死還納子 人於文簡 一時汝 鄉者三月尊大 而先君及 猶未 公故第尊大人 再晝夜而入匿君家 ·毀齒也子十 於褒鄭尊大 奴挾扁舟

一門四世二十二

當子之因約未嘗聞幾微歎息之聲也子上失怙恃汝能寬之賓客則汝能供之自歸子于今十有五年 君家遂由 其得舜宿昔之言而與汝 者死骨之餘也汝端慧而婉 弟 奉賴汝以不乏也先墓之 身爲東西南北之 是 我随堂文集 祭文 習誦行止賴汝以無失也 明年拿大 子長而後西 而東之歐問躓 人即世又明年子着 「耳子出則先人 、故近 把 於匡廬癰 ____ 汝於母家倚汝 一般而有禮 **巵嗣爲兄** 一而今則已

五年屬 悲愁 於增

歲時蘋繁

於臨

安店於

弟

能哭奠成 誰主 婢僕縮 十九 存 衆難驕 ·蛛網橫庭 心子為心 則 瑟而不行 研苔青素惟肅 一ついるかいことはをと十三 顧 哀而傷嗚呼我 月耳衰 闥重局 此猶不能 稚 者哉惜 粥及旬 而 鼠砥餘 絰 誰憑顧今未出耳兒之長者 虚 而今而後予或有行則先配寂 室 冠 也使汝之生早十年則 一級嬉笑靈牀之 **儽然骨立其小者名為** 燭犬 () 肅白 風生蕭條次 瞿然出涕 丈夫也多涉患 振靈羹鄰 日張燈子夜而坐則凉 况汝拘 一側問 人容嗟而或 忡 能 怔 木 歲 寥 舊 則 理 而

終其身貧賤而不悔男子之羞也爲程嬰杵 前者豈情也哉嗟乎德不 没命 然而汝所受於天者亦不得為厚矣汝疾華 自 長者 (閬比 君前今無憾 許身於君而遭家不造君有 逮其立 P 長歎 望有室有婦有孫以哭汝之老今者嫁而 一不夙不暮而獨當子家之厄雖 死而不識其夫家受命而不享其樂有 而絶 也既而日如此 婚是言之 及點婁老萊而使 則汝 四方之志常懼不 不得 太息 而握 子薄命 日所立 糟糠 ネ

家俾汝

呵

猶及翁姑之

日使汝之死後

年則

雅遊堂文集祭文

為之體汝平生之意也汝尚有知來聽予之苦言嗚呼感熏心繁憂鏤骨衰餒之氣日至尚何望攻頑摩鈍自處熏心繁憂鏤骨衰餒之氣日至尚何望攻頑摩鈍自然不生之意。 為之往不愈於生存之日也汝二子雖幼渠墜地 時有分命行矣勿復繫念今以羊一豕一蔬果脯醢酒 有有分命行矣勿復繫念今以羊一豕一蔬果脯醢酒 於無相見期死者所望未知何如祗令生者悲耳吾又 於真之下哉已矣幽冥異 矣前過三十八年自少之壯猶爲事事後 一国をおいて新をとれる 人今乃

						哀哉	
				- 1			The state of the state of
						,	
					1		
	<u> </u> 						

與流俗而趨背體剛中以立德亦浩直而養氣雖皎潔 草萎不死花樂則悴彼蒼蒼者固然物負奇而不貴 誠街哀致東芻之奠于靈右嗚呼石斧不剖玉觸則 向或者易際之基而孤立者早權之勢胡先生之 不炫既方廉而不劇恥爭食于雞鶩樂飲啄之梁雉 方平奉枢歸于岡州越甲午夜弟某等始能揭 八獨應堂文集巻と十三

之志在千秋而不獲享成于 有不摧心隕涕者也孤子奉柩返於故居相送江烈而氣已寒生有涯而死猶視凡在同人聞君之 **頒書散玩呼朋命子手嚴矣而革詠友之書舌結 易題詩之字非了了於死生** 一何如作此哀誄以寄欲獻銘君之墓別有嗣書去 一胡并井其若是嗟乎

					借也
之十三				•	
					-

枯槁身後之名久久益噪在此方寸皎然勿欺 **化界人**ク 可熱極尊而榮死骨未寒不得姓名或乃飲 負初心誰無百年在所自立身後是非勢力豈及 以義揆之可嫁可守守者難能嫁亦匪淫於惟先 容盛時進不汲汲乃及壯强地拆天崩之 我醒獨臥窮山左圖右史子衆而材弗命之 呼聚人之生衆人之死唯彼志士沒無餘訾衆人 一之於國家榜各雖登爵禄未加有如處子旣字 生唯彼志士生 ... こころだったったこう 一無慚顔公之央科年始

生無幾得之寄奠一觴言哀而亂老成凋謝臨風

君獨具妁古之目光好 獨正議而慨慷世汲汲於安飽君獨任運 呼先生稟純明之 世兢兢 錙 世龌龊 一蛛於 い野里をことを之十三 胸 於著作君 取子君獨施 以委靡君獨植立而 中 字若過眼之青黃其心以 而取其精要走 之不行則空名益重其慚惶 一德而取其剛具正直之氣 獨視之如粃糠伸紙 善而不昧其短惡 濟而擘畫多方世膠 不僵 風 雷於筆 世屈曲以詭隨 思而不 而 萬言如 下而 柱於前 吾道 不計有

人有淚盈眶蓋不暇為交游之借而為世道之傷也合永恨於泉壤豈不痛哉辨香巵酒祇薦靈牀平生故所謂古之遺直而吾黨之狷狂而獨抱是耿耿以終老所存者生人所恃以為安治天地所賴以為維綱仲足

攺志者則舉刀相示日幸毋多言吾惟 其勇也載青六歲 常言古今 一嗚呼何其智也依舅家以自全躬績紡 至誠所感而夢大十 廣自廣而閩 1月10年からしませ巻と十三 益堅日雲氏世有積德必無絕理吾惟 四齡 伶 也太君年喻一 及若太君之 而與母相失 丁孤苦而太君靡他自矢有導 而燕而吳海 口爾子歸期可俟 干戈擾樓流離 天隔絕音問杏爾 死而己嗚

自苦嗚呼何其異也載青去家三十餘年得 **興馬赫奕驚動間里去日孩抱** 行波室ラ勇祭文 而歸白首不獨 一官以歸 面目不

詩歌以述之洋洋盈耳以為太君艱貞之 而母無由以認 ,彷彿即巷陌家門亦不能復記方是時子急於尋 時傳為盛事嗚呼何其偉也既乃奉太君 日侍晨昏手奉甘旨於是海內文人爭為 子日吾子背有贅肉袒而示之 一報載青孝思

命載青日吾孤燈半世今將以無玷之身見汝父于

呼何其榮也母子重聚於今十年一旦無疾 世之顯榮者有人而信其必傳者則不在彼而

THI

厄在陳以志高山景行之思云耳 地嗚呼 八之大節奇行而特書之况親見於今者乎况不 八之不幸然婦人之成名亦在此嗚呼何其識之卓 身之有終始也某等居平猶欲操柔翰裂竹帛取 眉而出自巾幗者乎况與載青有聲氣之交者乎 何其義也聞太君之幼也常語

蜀地管でに焼之十三

15

呼當夫 喻 野龍戰九 蜂起頓裂三 稱橫分地 紀 险

之守力士 劍閣地字巴 終朝骨肉誰為 遊房瑶室灰燼蕩然瓊樹玉枝傷心已矣若夫 乃結骸成岳流膏爲水非無積善之家不少仁 窮源核競野無遺噍之類徑絕跂行之族親戚盡 剝陽閉而否廟謀則築室于道戰士則驅人 家空谷托命窮厓右撫設 獨應堂文集卷之十三 非五丁之年遂使虎豹負隅模输食肉竭 川舟危三峽路極高天然 哭嗟嗟夫人竟罹此酷嗚呼痛哉 二顒佳兒家 而雄關無

君 獲終 堂之書嗚呼痛哉攀號靡及摧 E 真於江 依然 分百里之 **然珠閼** 一左事異絶裾風塵 如飴 中之重耳等意獨存之 仲子遠宦天隅勉 雖生 西 向陟 一存奚别劉安之 何必復 何其烈也 符無路衡士行之餘何 妃長肝羨慈烏之哺反 百 視聽於濁世零涕雨 謂死而 王陵)雞犬皆在白雲元海 别時勢懸 日二十 於漢朝初非伏 無知將臭然長絕 一殊不有三 悵 八鴻雁 而永 劍

同

抗

而萬

世不

考前志不誣固將俟于門之駟馬聊復獻徐孺之生劉 孰不嗟 吁彼蒼蒼之 明用をあいいなおと十三 未定若福善之云虚如或往事

於 嫐 趨 上潔其道 苦 得意忘形對囂塵 j 坰修忠勲之 渦 炎熱 圖應堂文裏 卷之十三 其實 於浮萍挈妻拏於空 操 所 履 經營 冰 而 託肝膽 兢 外則通 去 士之 一坊表 其 瓢 緩急 思先 可 同 情 整 ---其志而 德 眼 等 躭 朋 而奮與 孝享 友 其行 恤 艉 早薄簪 竭心力 患 其家 逢瀛 祖 於 考

多子孫於伯道者何啻以萬萬計而千載之 於泉壤矣清齋在筵敬奠一后 下此 伯道而處之泰然同人亦 天也顏淵至今存也非夭也 死者存也夫人生一世最上令人慕之其次令 不足道矣古今遠矣其間飽於夷 俄顏淵之 於高曾亦獨何哉嗚呼古來數天道之無 而慕之情之雖多亦奚爲也先生其可 天伯道之 不復爲 無兒也然而夷齊自 先生有子而殤 先生悲者以

N

紀事 深論從 稱鬼神之德而後世枸

都邑政 地 地然 而爲之說 而後見焉至於江海波濤之所及有人道為之紀綱則鬼 及有 耳 日鬼歸也

輔相裁成其

間者

伸也

於語

一切をからしただって

平

若履坦途否則安危未可知也故神之名號莫不家 公明陽施陰伏疫癘不作無所用其神也江 羅於不測者衆矣吾鄉濱海所虔事之神則英烈 爲最相傳爲莆田林氏處女今闆 所凝怪風異類發作無時非有鬼神爲之護持則 往來海上者每當風濤大作則竭誠拜禱眾口 祭之甚於事其父母而廟貌之建在在有之佛 **獨英烈天妃各號頃它必有神火從空中飛來集** (有)言日至治之世其鬼 - インングニンマラ紀事 **八于舟中則其舟自定雖浪如山** 人謂之天 神也 八后者 F

吾深思之 世 而不絕而往來瓊海者目觀靈肌謂非紀之以文章 何居乎豈其堂堂處女而可以匹偶之義加之平 而她之 以强神功之大也 而得其說矣河洛之數天生 后之則匹偶之稱也顧出於前代之敕封 非水也天居外地居內水貫 **婚報賽之具閩咽** 相屬而問序於僕夫神之 可靜之 水地六成之

曜/ 1011におおかト四

也他何足以頌之故引伸其說而為之記故尊之曰妃妃配也猶日至聖之德配天云爾尊之至也故日后土神司乎水者也水德配天神之功亦配天

柱

尤多則

也夫

秋

宗廟之

商旅遙

集

多則其近

里有 一會課燕射之文章 臘其 往迎 四旁為堂室若干四次鄉黨則有為議灣之來鄉黨則有約議灣之來鄉黨則有約議灣 馬之地 建 此無公 習之 庭 歲所之今奉前 由所客士

所常臨駐其後孫仲謀 入于益 章金陵北 婸 川也及 則 湘 潭 得署 属之 至燕趙齊秦在蜀漢時 之往史湘潭 使呂蒙奪零陵長 抱 年前浪游 恨 定其土 吳矣自湘以南 父母者哉 至 而終而豈謂千 血氣之倫 地安集 ---其人

民

也舜何人也有爲者亦若是願與天下讀書爲各者交 左氏春秋心命奔涿郡則其困時亦常去鄉而客者 其君臣如天上人而不敢 存込者也三國演義載公曾將車 之能事其 浩然之氣充塞天地之間所以不與萬物 侧目者难公獨也此大 為商而史但云好

圖一獨應堂文長塔之十四

四分

、求其沒後而能伸生前未竟之志使

一曉至夕不成誦其父 從 能 師受書 畫炭著壁知牛栗出人之數以 itr 鄉致遠讀 何得 不 首 肥 室 文 惠 卷 之 十 四 其父 m 言若是 权 其文膛視日直若是非 兄弟更相謂曰為先生不患 四行伏 耶師具語其實 有貲雖苦 致遠請自試應 首以鼻 磨席 得 如 此 筆立就 -

Ē.

於是 居 環前後左右 下頗 | インジョニオー 婦仙 無存者 事能治疫 鬼有得其花

於要津自宮府大 八立起家家走求之 百人 · 於是

御史病甚過致遠致遠 一酉金陵陷致遠 睡得汗病良已致遠以此有德於大僚得權南 僚床灶衙署皆區都事花押也 死之子幼 吾榻內臥有項當瘳也 不能歸 區都事之

| | | | | | | |

何

不偕兄

里前年

或日南

曹

也

特善用 事 都事之賢疫鬼亦賢鬼也 夢左王沃其背冷水得 固知疫鬼皆寓於心區都事非必 大僚之薫約顧借寂莫 都事誠樸遇難能死處地卑

賈者日汝安得金孤子出婦金語之夜而同賈者竊 子長當納婦 德之西北鄉日上 比旦索之 婦失姑用婦何為話旦婦歸謀於父自出簪珥足 三金授孤子孤子與同賈者宿喜曰吾母且當返 、歸問姑安在孤子告之故婦泣日娶妻以爲養 **匝雷赫然起庭中震同賈者** 數 一日 日本の一にいると十四 乃自賃爲富室炊受其直三金為之聘婦 不得婦大 一孤子家仿皇伸救俄而雨大注電 一岐有孤子之母夫死食貧 柜戸自縊氣純同賈謬爲殷 死其衣片片製

向冒然肆其貪殘之心匹夫匹婦計窮極而無以自 世者或遂謂無天道夫以婦之賢而同賈者無所感 **矣爲之雷者不亦勞乎** 得而誅之天豈其其而奪 天計所亟加也天之該賞必於人所不察彼之 **應子日天道未有若茲之近者也豈不以誠哉而** 丁未七月日也 死賈腰間躍出封藏尚如故也 不力写了其雜級 一哉不然世俗 題

跋 **漉堂集卷之十五** 胡 先生手蹟跋

季美先生遐書二 未七月五 並多付注 日於友 紙其 人胡君 書作字法與韶先 一乃韶先幼時所書 書柳 厚馬退 山新亭 雜

流雕多難水先生隻字之存而了

次盎自乙酉之

事韶先

然也 蠹腐之中片紙之遺 義雖成之 小物也先生沒於今三十年 服先 者况先生文章品行 一意忠貞之 旦而其 一一一一個)猶有寶而藏之者 蹟在處皆有神物 , 坐平處心積慮 星河岳之 西江之 宗仰者 護夫 两

然若與墨 於他 硯並之 水岩不 水之 一相戀 の動物にした様と十五 三四四 分數同 隆冬極寒他硯常氷而 可免此病 不捨墨 墨同手同而為研之 愈堅者其戀石也 知也 雨時墨竟日用之 留手着水 以他硯易之 他 用之况其體 硯粗 敷 爛 剉 水岩常 果

則稜

甚以 可則油

固齋所考剖 岩如固 里間數 幾 趸 一妙於後購硯 亂真 晰 不明生う多数 p 歲 所云精華 二矣 不深心識 至 ~端州 無遺 日見不 往往 別鮮 能 執成說者 新 H 感亦 出之

去不

貢者今之省文耳詩日高山仰止景行行止吾欲使女 名又考之說文輸賜也故端木賜字子輸其訛以爲子 女之生吾答於贑而有異夢還書名女日 於山川不若師於古之賢人為切近也夫四科並列 子貢以言語著焉一 人而命之字禮也然賴之爲州合章貢二水而得 貫希傳而子貢以多學得焉堂

郑魯二君之會執玉高卑其容俯仰之論仲尼

,晚近之世非言辭不爲功兒其勉之爲有德之 多言為子貢戒日賜不幸言而中是使賜多言也

一人間應堂交集 悉之十五

			Angertes:				而詳
							而詳思聖人之戒以進於成人之道其庶幾矣
							人之戒以進於
							進於出
					-		成人 之常
		-					退其 無
			ŧ	•		٠. ا	幾矣

欲覺 者五行之數猶待人 河出圖洛 澤神獸也黃帝時見於 、地鬼神之事盡大 斯世斯民也至矣先友高 有成人之度其父耋符將字之謀於 說也 人而無取乎其義之尋常 八則之 八首 而後 何如 Ž -----將 河圖馬也 明白澤則能言者也天之 行也 士寒塘梁先生之 為人取字者 雖然吾固 也其所 取

八十二十二十二世之十五

之字弟子員成人之始也 潤萬 澤應童子試受知於文宗錄爲弟子員 於蓋符且以爲賀 其名猶河 有有道 可以幼而勿字也因 義云爾魯

而未

活然而為星為日蓋欲勉後世以師公正無貴乎其有刀在側此獨圖公橫劍在腹古今同此人此心而公獨一世人貌公棗面蓋眉此獨貌公皤腹豐頤世人圖公太 異人之質 7 圖館堂文表卷之十五 E 圏公大 州之西于今四十年十年而方見此數寸之影七尺之州之西于今四十年十年而方見此數寸之影七尺之可歸之家而終身天涯千載此心其誰知之吾別子端可歸之家而終身天涯千載此心其誰知之吾別子端 李孝先奉其尊人相如先生小影遺集 **牧**淚題之

具不屈之膝 人皆本之遷庭偉哉斯圖其忠孝之經平 行挺必死之身以爭立不可奪之志以 集體之十五 人圖 於形不必求我於跡 生真費先生日

初之言曰臨世濯足希古振纓荷能如是是可以無待之詩濯流萬里安能長在江湖而徒羨乎逝水夏侯大孺子之歌取清取濁無乃重人之纓而輕吾之足太冲 物而不愧乎曼倩先 楊履易濯足圖 同能的に長老之十五 生

爲之名 先世同於止酒之淵明平吾不敢竭乎其情又安敢强而執此秋英其將睠懷故國儗於飲露之屈平乎言念其野服而舍爾長纓置諸廊廟而適彼岩扃薄其旄節其骨重而淸其神王而疑武其緯而文其經胡爲乎圖 陳黃公行樂費

一年 小生ご多替

殿時異代華不可復問堪爲痛哭罪莫可追其文集奏疏啓事朡白 七夜三鼓竟遭回除不肖贑多寡不倫篇次未定不幸于 忍刪去以誌不忘餘未刻各詩文猶在海 分十五卷各體始刊卷首數篇正在陸續發梓 碑銘傳之 【圖應堂文美卷之十五 事腦白第九卷手稿書 乖康熙 熙 今 丁酉九月二

迎集詩編

鄉居龍江戊午羅無妄之災因煅于 憶壬子歲曾溺 不欲畱跡人間耶嗚在訂訛亦易今乃竟 **拨之抵岸得不死手稿半付波** 日部亦易今五段俱蒙世好抄行 剞劂所厚望焉噫念先子 1年日三三多版 抄復亦十 于扶胥之口波濤汨沒中若有神 灰于一 存二三耳爾時先 燼豈爲造 不孝男陳韻禮敬 生心血 臣丁 兵又 至甲子

一流堂集績編 奏疏 羅浮陳恭尹字元孝

原任兵科給事中臣陳邦彦男順德縣儒學生員臣陳 請鄭疏

恭尹謹奏爲臣父完節殉忠臣家遭害條酷仰籲 元年恩貢隆武乙酉舉人 七色贈諡以慰忠魂以勵士氣事臣交陳邦彦安光 . 猥以書生謬承國眷以兵部

兵垣奮不顧身三書切論東

八犯其忌諱幾不免虎

| 10/1/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/11 | 10/11/

I師援贛丙戌初冬·入覲蒼梧特蒙

聖恩優權

州既陷臣父拜 語興兵崎嶇 山海激發忠勇

急督順德新會諸縣義師二月十 蒼梧之急以鞏皇圖一欲乘廣州之虛以期恢復 受困遂圍桂林臣父竊做伐魏接韓之

日進攻廣

日不克復遣生員臣馬應房督師分攻順德死之 四月臣父復督兵往攻高明乃聯絡東莞連

山廣寧恩平陽春東安龍門從化等縣侍郎臣張 臣父密書致思恩侯臣陳邦傅請其鼓行東下 **、陸義師
三十餘萬東西齊奮山海協** 日會同 謀六月

曾 閣臣陳子 五日不克卽 戰 四日大 《獨應堂文集 拉編 壯與 徒 恢復清遠臣父統師 統副總兵臣霍師連等恢復 聰等密 少師進檮高明御中央 船大戰於新令 提擒斬 知縣陳侍 不幸機洩楊可觀 等殺掠干鈴 史臣麥而炫城丙 會三晝夜殺 億等八 餘獲馬五百 駐聯 等被殺臣父 月 三水與

無淚不須揮魚吮艱貞血 屈子俱沉叉日戀關孤懷盡懸絲一命微負傷如未覺 州臨命作詩以據忠憤臣敢略為 生報國懷深日望西方好音己共長宏化碧還 匱彼陰開地道以火器攻城九 死二十 二日至廣州欲生降之以死自矢下 "一一" 豕臣庶 母何 五傷赴池自溺為 水為賻襚衣稱應魂氣在長 日執至法 皇上 二誦之其詩

兹盖伏遇 其力南海則閣 一奮其策 鼓勵 網繼 一赫赫之 條刑子妄殺 彼 自顧不暇凜然不敢 四方義士首攻廣城以挫其鋒分 則不貧 風霆之 功然所 至嶺 一 獨庭堂文集 續編 皇帝陛下二儀 掳安然如分內事其志不亦大 生不改節憑血飲 臣陳子壯光其謀東莞則侍郎臣張家 西 以操空拳出奇計批亢擣虚擁兵四 一帶臣父聯絡 隱必宣臣父報國孤忠見 西向以胎 再關大 紅宜 獨力用心特苦雖 命維新 输 ŭ 君父憂至身 H 州縣以疲 皇上德威 可哀哉 明

先後被殺痛念臣父始則不

東朝

Í. 好本不所身後之榮然其倡 久存 以著我 臣能宜 八讀文書頗 敢 哀共死萬 ·枯骨為不朽而 朝廷鼓勵 匍匐天廷略舉始末 國家聲靈體統所 聖鑒豈俟臣瀆伏念中 與朝之有人臣若不言其罪 命之 和大義軍忍 コニ麦山 一獲 臣之 |曠典||贈 伏 避干資之嫌以自 存固當傳之 大義以 清之 IJ 乞 官賜以 IE É 錐 Ш 秋

合邦梧永捷其院下于為其鼓動行: 異謀彥桂歷戴人奉之金之身忠典在 慰遺邦歷 大以進後養宜廣請英詩彥二 去分起之元 渚 年政義急年員邦温權市秩之事內西加連倍忠 人以此在以二主度綸端駿易名臣懇道恩該堪著八 月成閹奠月他素而在骨名與聞乞鑒疏部揮從月 十精臣 十人懷鄭此愛又其人 知沸龍 五角陳皇一不忠廕也士為子臣天御 道着義五 題日之子圖日知烈縣最者之孫捐恩史 焰堅 H 其勢壯一糾臣當殊者不分而驅准臣 陳料具 子舉侍以督獨逆加東情茅 子虎焘 恭事郎乘義知藩兵專空賜聖主 尹固臣廣師之僭科起名允主身初璜 具為農州魚及位給養以蓋褒且旨謹 疏同家之攻塵之事諸收日忠不以奏 |奏心王虚廣氛時中臣實愛必顧信為 例碧奉 論之以州漸急臣同效馬極何 賜化 聖功先期一追走陳功鼓者其况呈忠 台實稅收以故端邦同郷不盛顧言較 議原債 無又復緩於州彦烈天情既及以烈

歷臣壯彥彥尹玉血為不 兵葉花旨業屬欽始 三之家之似和同戰不敢認及珠雲若赠弟此願 奏年所王忠較尹籍與淺西感躥以以不太張乃 三大個不烈虞沒子小向流東南樞相僕家近 月願俾愧也尹家壯矣固慕土昌院合寺珍蒙聽 十也天子伏妾庭家且做士勢知判臣聊俱 七如下肚望何靡玉邦 與如府贈伏廕世恩 氏有同彦皇兵疾贈東讀一襲子 具臣風王皇同選身砌上首風南上 表言與特上異黍首家之攻炎陽侯太恭衣家膽 二不起從下命與異起福廣火侯胡祖尹衞玉議 採於子處義力州疇此大高入指俱謐 二乞與初為屠壯骨與彌使敢彰蔣皇監揮得以 之旨言魏家磔子天彼犯明以帝讀使贈慰 奉動盛贈博之玉肉壯而東其較桑褒書獨侯英 該與爵稽下同勝家抑顧鋒著政忠與科爵文的 首部開於與則至與王彦不者者贈之始臣其該 該施創襲論科三子同之戰邦也越典例陳子部 部行比炤如臣子壯督功凜彥當國先 察永隆子邦邦馨家師亦然受强公臣初彦上道

級領之有如卑察情於子贈然彦覺以看在 姚與殉子議共 壯太氣塞前鄭得東 玉者掖院奇各贛壯之憫初家僕壯義此忠臣部 之旨玉寺 羊則之 伽較垣關紅部諸閣 臣旨揭尚贈卿城著宣反不 臣臣 統然七楊之也竊欲多侯廕廕先思既幸晏 品廷贈家以以餘而一諡聲者渙而 麟廕玉為前恩其子紹成未之殉題 部御侍節例此子入 帝院史郎烈望臺皆監子 而加 臣世讀壯羅兵 寺朵都着臣臣臣雖 聖卿亦也得萬姚也無皇鄭襲書張奇科後 裁似得若赠元 奇而軒仁典錦不家條給 五 或為贈擬兵吉制邦輕者宜衣可玉及事之之 加兵之部不主彦而也均衞謂例今 隆部龔尚同事則官然之使非己志殉師 Ŧ 而侍柔書者臣屬品臣疏則優有剛 或於耶雖即邦龔科原等鄉是典前馬 炤矣少云言柔臣有奉紳邦矣旨革順隆

衣七應彦廟書尚不即折事行 时一陈忠歷如樞 子歲廕書爽至衝看在 祭子子上三子貳 指初敕恭時一臣哉乃舍得兵兵配世壯直年壯皆 揮入各尹祭子晏前闔生故部部還襲稍霄六家臣! 食日衙相配世清曾門面科尚覆與錦次漢月玉察 事具門應還襲覆贈被赴臣書疏他衣與直十個議 陳臣 諡衞姚節六則不 題行世與錦類太戮 指奇爭日 初非襲他衣奉僕猶難邦曹 寺幸所彦姓 十臣錦諡衛 日等衣煙指旨卿遺謂孤題 **会一日題恩日** 事例月十在慎 奉所衞煋揮陳廕有志忠為 該着所入上也 越指天僉邦子孤酬目 地與有日非若 旨俎揮謨事彦入男馬許忠 陳而愈耀該着監天革勁較 方加應奉臣夫 恭議事入地與讀之氣節烈 官贈得 等於 與兵邺旨所信 尹也其九方加書報壯彌邱 准永祭泉官贈兹施山芳典 他部典陳敢 設尚比邦及初 世歷諡矣與兵據善河倡宜 襲三諸察他部吏人者蓁均 廟書輔彦矣旨 锡年典邦設尚部或非而等 歲歷臣孤永竟

仰所於高厚者臣父兵科給事中竟之志將不能不俯望於後人此 諸 節 九死暫后之 新 事會之 1777年の日本の日本の日本教任日 人展孝思 聖恩加贈兵部尚: 之極或有不得而兼盡者| ~也若夫 榮施後裔天眷隆重臣 以完先 淦 中臣陳 尚書廢 可追 事臣開忠孝臣子 微臣之 例有得 M 世襲 世單 請 不得 ----則

臣當覆巢 粤左 顯其親 ----與朝方溥錫類之 旧生之 反 死又ア 江始得歸具棺 之下本 無窮心欲歸而職守有 **~**痛難忍復言今服闋 公不欲生徒為四世情 能推思及 何 爲 伏乞 重岩 叩頭恭 衾為臣父 報忠之 暇計宗 į 謝訖 ; ₹ 發喪す 祀存沒 ~期僅 此

·項奏永 該謝歷 職庶臣 烙三親蓋父條也天行 一 町 电 上 長 編編 後 例年之職如節而恩在 頒入日邀邦業褒兼吏吏部恩三 盡 給月短世彦蒙崇陳部部察併年忠 父 推下尚覆議請七從 陳初所襲官 恭五當己者賜及悃書疏具父月 忠 尹日允知也贈祖等臣 失為 准奉其受至樞父事晏 心有" 回恩其正邮看清 得誥命及 旨籍之子所死得驗 日臣可 死孝生 籍贈營日恭當之義封 營樞葬長尹炤仁憤司 九日奉 於惊慓待 葬臣服而甫會也不臣 平之志獲伸 服陳関服拜典故顧潘 関邦供在新例臣身應 終制旨 供彥職禪銜並陳家斗 職話者餘仍詰邦烈題 命 **營** 禁恭 命也尚緣贈彦士為 准承恨舊其貞之恭 之

與歷報制配心志謝

等升至 盡

在錦衣衞 加之祭葬 今蒙 臣尤為 鑒事臣竊惟國家褒崇忠節賞多浩蕩之恩朝 加祭葬 節 同葬之墳塋亦異本等之外尚多特恩 有 破格臣父兵科給事 初蒙贈太僕寺卿賜祭一壇全葬以三 世襲指植 西地色 と 見機編 上下採 聖朝有無已之恩施謹旨味殰 一定之制謹按會典所載三品與一 別似當更霈殊恩酌加邮 輿論加贈兵部尚書尚書 ·中臣陳邦彦報

地例應不難之兵父行 陳伏 葬尚 葬 祭歷 至 方领照可储血部有在 官給正調資氣份應禮禮葬三 石 之二非其張書加部部着年 品優初宋故之肖覆照人 行品 聖慈敕 旨例鄭祭旗臣祭書疏例月 以仰矣葬焚陳葬臣 猶 官則於 給九 及邀迨業百邦等黃 部 可 時銓特近經里彦事奇 查加 臣典奉部之奉看遇 慰奉 "之 忠 例 **建**自 **減**原 理 臣聖照威不原祭 給臣 臣习 部恩三與孱兵司 今當 既加品周取科臣 可勝 **紧照奉赠例绒养给吴** 知彦 道加 兵祭殉成事道 回 感 鯛兵 激 旨有典尚壇本酒今題 **F** 着着書全末包加為 部 部該照則葬籍胥贈臣 角

馬虎高察谷地二祭食案行 思察初愈遵正新 有關八會移方品典事呈在 七徵 應望三尺與部官例着陳奉工工魂壇別 送設與照恭本部部該全奉皇咨例 該俱三品品司廟祭例尹部為各部葬 **仁**呈于此 省二十石坚察歲二頒奏送臣文知仍旨有內祭 二氟碑地議配增給前准父 道谷陳加陽 政品跌蓋周就該加該事體有 讷邦而凝壇 司料高用圍墟部祭本奉部應 關意忠諡再 行價三麒入該知 擬着魂并以 一部 令銀尺麒十司道增覆旨准之 諡照當行死 二二高步察欽全題陳禮祭 行正旗地勤 近百十二墳看此葬前邦科葬 二矣方事 地伍石尺高得欽仍事彦抄 方品汞官加 九 方拾人入一正遵容奉加出事 ●有兩石寸丈二抄內 贈錦巾 司夫虎碑六品出間旨兵衣田 官匠石身尺侧到擬着部衞靑 支一羊高圍全部諡照尚指吏 配增二祭葬官 給百石八培素備行,正書揮司 以加月享仍照

十院補品希合其宜達官等况旨自但 二太給式即就工等堪一日贈着備時 月子請造轉行料四以員案正照工事 二少勿建行馬地題委以呈二陳料名 十萬有其布此趾奉任董到品子照觀 七柱達工政合本 且厭部合壯依民 須料司容家里以事除得張品力 又至地督貴平旨粵察擬遣家級有 照本趾令部價陳人得諡官玉造限器 會者俱地院自邦而本設造例建近 廣布合方煩備彦襄部祭葬二侯奉 東谷本官為事建粵都另庶臣事 家擇察平祠事水行可旣平明 政欽平地始補造相司外副已日旨 |司命價格 | 給葬地||何該朝差滿令 總自依明欽着管邇本廷官給其 **承督備前旨此何建道部優有但本** 歷兩事項內欽邇實英應鄉例照家 三庸平典事遵道兩敏差至可 有 年部日例理擬去得練司意比明力

君陳請者疏已十餘上 里發喪其後有傳司封之言見論者謂都下故事有 殆將略其生官不次追恤比於陳張兩先生而有司奉 先府君殉節之明年江粵相繼 行者皆能懷秦風同極之必切皇甫不與之耻必將兄 公粹家複室中詣 優尹書生年始十七八新自下土來妄以為 死事之臣而子弟其孤無復虧乾之 費千金陳張之家行之 職人の引きのから にとれば 横海 行在所上 而 亦自知之故一時奉旨 一書言狀時廷臣為先 歸命夏尹始出增城 者科抄 後徑歸

卿錄 見及拜 弟過索先府君遺文手纂錄而去尹語人曰今而 稱特疏請信前旨下所部察議自春竟夏司封者 ·饒公元黃昌言於廷謂先府君功忠並茂而恤 君得贈兵部尚書廕 應斗始視司封事 而覆疏不上皆不知尹之家無四壁也及秋常德 下維新豈猶用前車之 子讀書國學而陳張皆得侯又明年春御 / 相提當文男 命始請謝潘公所以慰藉尹者甚至又 日而呈稿五日而命下於是 一子世襲錦衣衛僉事 哉其秋先府君

吾邑 半潘公手燭呼眾人 五色光芒 **上視**吏 忠臣也 也是曾 公拜司封之夕僕與曹 ----潘 (所呈牘 視傍· 酒間梁君言有異事欲 醒問日識 事乎即 有老人 矣吾適 所謂陳 夢庭 化指謂! 簡閱文 中畫 先韓者平僕 書而饒 也 圖 闢

男

同品

/ BB town that 橋編

羣臣交章言之 其短然而粵東死事邮典視四方有 鼎足而立攻戰彌年彼之不得逞志於 羣盜 攻廣 ₹ 嶇海 春李 成煉方有 ----成 之贈以終 柳間 繇也夫當日之 不识生习事 以掣其後成棟 方是時危在呼吸而 (功柄 明旨 主 再三及 國在廷之臣 西向破端 開而引 恩 -----1 梧 战貧 不欲極 退嗣是張陳繼 先府首 加至先 陂 西誰 他 資序 能 陳 之力也而 -----事以彰 也

必皆得

/_____ 遇然而易名之典以徒手之 定 一情哉 册庶幾身及子 敷階而得 放議之

關之捷又二年旗點蕩平凱歌旣奏而公維岳之辰滴 請奉命權公今官是年恢復武宣來賓柳州 御史出征江西十四年冬上允親王 今上二十年夏令提督廣西左都督哲公始 信豐十里河之捷是年粵東歸正十八年兵部叙功題 **而臨戎入而治民兵民不分而文武不判爲二途其判** 軍四文武紳士走書來 西南赣等處總兵官十六年有保守孤城之功又有 益服國家用人之明與公福祿之大也古者卿相 ----以祝頌之詞為請僕於是 一大臣之請以公寓 又有黃土

Light to see

獨應堂文集的

途自唐以下然耳然立國之勢則漸不 武分無事則文臣輕武而肆其齒牙有事則武 而笑視文弱宋 方惟求允當不限資序有由來矣公之始 -----明之衰取敗之道皆由 -----

此也哉

服

敭歴 江南二 領推秋官員外 一道方是時端共爾位請習典故 郎自郎而授 城 怕怕然風 監察御 ----

法度是司 圖當 西粤背 而豈知其用兵之善一 叛而吉安為賊所據 至此乎 且公之 一接並

公屬能憤其智勇橫障狂爛捐俸以給潰還之 一饑餒之民不撓於逆書不懼於孤立卒以成恢

值

有功之故而不可得 罪銓曹得公功次尤詳然且反覆推求 僕生長與左 黔竟滅意者公智勇爲之先聲而忠 謂非公 謀漏星所臨而 吉甫萬邦為憲 於戰陣爲然如 之二當如是 四/1771日とている。 一直 於公所治江粵二 意又日+ 然竊訝 妖氣為之掃跡 公在贛而兩粵自歸 ----不獲從諸公後 知 ----口土中無調 則 九 重深遠 哲唯 西 皆爲鄰國 -**局為鄰國而比者 奶耶不然何其神** 誠 既多 聖 1 所格雖 側 自 公所以往 1 知之 鬼

華伸紙俟公功大成而大書特書之先書此以復西粵 九如之祝而公年方强任後來之樹立益未有涯請燸

無損也某翁侯君而爲政者兹期月矣省無名之費名 輔相之憫其衝煩而所以節愛之是益者日益而損者 是損與益交相半也而爲治者因其聲名文物而裁成 聞見日廣士氣日昌往日之淳朴變而為聲名文物矣 爲孔道而爲治者爲之 雷瓊者取道二十四山以達於陽春陽江于是新州遂 往皆爲僻途國家底定伊始濱海多寇繼以遷斥之高 州在萬峯間 日之間變而爲衝煩矣往來憧憧四方賓客所集 題/ カリリ (四1 たって きゅうは 清明 温瀬 水東流淺不可以通巨艦自宋元以 變何也地當孔道則征役繁

壽新興縣侯公文

貧富皆得就學而時課藝文親定其高下以鼓舞之 聽者無不聳然終建義學延博雅之上以爲師使遠 公卽出倉粟以賑于民米價不至騰湧時雨愆期君侯 由兹益勵於交行克底盛治凡此皆侯所以裁成輔 愛人之實也朔望之日必親臨講上諭剖析詳明凱 不急之務身持儉約而 若給牛種以招逃必不偏審以均賦稅凡此皆節 州紳士黎庶無不頌侯之賢者孟冬之月爲侯 將禱而雨澤立沛四郊霑足邑人為詩歌以紀 無所取於民去歲穀稍不

長不鄙而問配嘏之詞于子夫仲尼適衞之言以

富教繼庶之後夫王道不外是矣侯生長熙朝早 **爵受之勿辭是為序** 新州為周南召南而以二公之相業就侯侯其 間頌聲如此別有成之日哉夫君侯生於鳳翔古岐周 科仕為撞學論以卓異薦有蟒服之賜其爲善教可知 千年間今未有繼而起者意者其在君侯乎則請以 地也周公召公之所生食邑在焉二公以王道相周 一新州地素饒沃而士多文采得以富教並施期月之 Votes undited a sentution of

吾科地見於史傳者最古莫加 於商賈之行可勝慨哉處司鐸之位而以文章經 特重六百餘年士風丕變郡之先達立不朽名照 則有古成之先生時領東文學未提而河 氣其開有時即抑敘養之術尚疎耶夫士習之興衰 河源蓋隋邑也介處歸善海轉芝問地廣而多才 之子恆為土今也比而同之而所謂師儒者或日 者在在有人指不勝屈而河源反若少遜豈山 學校學校之 **一個產業文集積編** ****** 隆替緊乎師儒古者四民皆世其業 -----源以古

一出界業簪笏之家而具文事武備之才挾制奇定變之 士樂君之賢介東帛而詩壽君之詞於僕於時秋冬之 司鐸河源不亦宜哉某某之月為君寬揆之辰河源維 畧誠足以式多士而振浮靡九重之上知人善任以君 謀於縣合守將協心同事保全一邑邑人至今誦之夫 著於鄉黨與二昆並為諸生有三鳳之目甲乙之亂君 為茶陵開先祖父皆舉明經仕中外通顯而君少以孝 The second section of the second seco Annual and the second s The second secon

際天朗氣清試與君登局而望遠其東北諸峯隼然持

間者指不過數人而河源瑟翁饒君為著君望出茶時

高祖憲副三溪公曾祖中翰賓印公父子後先成進士

讀書之所存焉此其人並英偉雄 士親沐其教澤者哉夫陽燧方諸皆頑然 何足廉預立 古先生開之於其初而君爲之倡導於其後 居也又西為羅 其山川靈氣其發之獨先者其收效也 而照之而水火出焉何者其性本具也古今賢 ジューニュー とこれを実工場 言詩爲君歌之以申九 日興未艾乎而君 懦而况君兼資文武烏衣王謝而河 E 浮四百七十 ----耶其西 亦與之 加之 峯 1 一物耳

是乎其亟也友人樵嵐孔侯母王太夫 其急矣故陟帖之詩爲其父母之 安君於臣臣於君兄弟朋友夫婦之 **崇員所教若父母思之至於歌咏則爲之子者將** 《無止詞若是乎其不迫也四灶之詩為子之言者則 是用作歌將母來論當王事之殷而懷歸之 事於四方者也既行何能不思然必期其底於成以 有詩而父母於子顧獨關然何也子奉父母之 一百篇其於送往勞來離居聚處)相於子於父母莫

一個/カールシャン・シールを問題

州藩翰大 侯求禄以 於堂上然後 情者惟孔侯之仕惟然也 里而來仕於粵揚州南北之 是侯數與其選因得中道 法甚嚴且詳先朝之末相尊公大 使 然後北發還亦如之無廢於王事而得遂將 、僚歲必擇屬吏賢者為朝賀之使 典二邑清譽仁 海親 孔侯間爲 朱衣象 書問往來絡 多拜 **合秦中多**

雅 雅 湖 堂 文

集升升

(深得二 而孔侯復奉表北行 其亦可 大夫 太夫 爭為詩歌以進 養親也 人家法無忝為尼山 與交 八前 ~ 斷鹿堂文集 稱獨 一慎旃哉之 必 也能教 輕裝兼程將 - 鵤子 一懐矣高秋 為不負 新 賢也 月爲太夫 太夫 故 五.

為 經經 教言己 何 而未有便 鄉兵分回各方之 如然猶 聚惟 鄉 其釋 多 按臺然後此營肇 記 一載各 何如 月糧 金紫營未 m 內 H 何 畝戸 而食諸 所 鄉 派 設 致弟 Z 父老 2 俱可 集 建 始 田 多盜 免 畝 H 離 謀 落未至 鄉井未 派 間 鐅 戸 可 П 可考也 先 以安 此老世 ılı 知近 寒心 (居者 而 諸 H

一等見からしき鏡標

爲此 之 出致 益復 向徐公言其故而後中止其事 倘 復 推 多數百餘羨豈不 鄉 餘羨弟恐一 止今若 永靖鄉 無糧可收 同黃文老 一者皆鄉中之病也老世兄年尊德 便 不添設鄉兵一 -----」盧闍老賴建 負前 旦通 商量增設 則懼地方多盜鄉中 則懼言者 片苦心弟 恐却 莊色容之 年該司 日多 ф

在北京 一

君儼 意世間有道高 君子之 然濟時之 响 叩成於 任氣 此十六字幾可與危 君 略 論世之 生於 之識已 里而惠之 小 可與見今古 石旗之 好欺)教言 得 禍敗 誅

聲氣私心自幸何時乃得慢手機豁快胸中種種也往左擊之年然猶日讀史傳夜分不寐細書如蠅頭精力大耄之年然猶日讀史傳夜分不寐細書如蠅頭精力大耄之年然猶日讀史傳夜分不寐細書如蠅頭精力大臺之年然猶日讀史傳夜分不寐細書徐而按於書無所措手其後稍有所得欠時全不藉書徐而按於書無 先 大耄之年然猶 有所選述自戊午遭意私心自幸何時乃得擾 其後稍有所得穴時全事於陰陽家言無所不 不到生三重 外之读下獄二

采風流未墜先緒足承存 聊 以發 一笑也王 一人 獨鹿堂文集 發編 日即告閩行卒卒無報臨筆飛越 往歲在都門近 」園長先 注語時當為致之王礎兄不 生 未知何狀頗有相聞否令 一幼子諸孫 向 數十餘人

之脈自右肩而注於左石脊隱躍可見昔之配者中奉為,與其其舊有以致之蓋廟倚東北而面西南金紫拳為,突爽於峰之巓者則自明中葉始張而大之金碧崔貌奕奕於峰之巓者則自明中葉始張而大之金碧崔。 一鄉一國之間必有鎭山靈地以爲下民祈禱之所若一鄉一國之間必有鎭山靈地以爲下民祈禱之所若

剛 局地主と毛續編

為有據比者父老虔禱於神擬復文武之廟於其舊卜所不貫子往歲合鄉父老薦紳人士登筆求之其說良 得中吉擬配文武於前殿北帝之東西卜之得上吉蓋 前殿之左隅巨石蟠焉固脉脊之所鍾也於是額於有 廟於峰之 於峰之一偏面西倚東岐為二向按其形勢為地脈脈微意固有在也後人徒欲後耳目觀美而遷文武 左文昌而右關公文昌為文運所繫故左之以受 大士巖仍其初也左為三元殿天官地官 事盡檢而新之因高下之勢爲殿前後一 一年 月生ライ

1 右磴道之 帝右為 收之 後二 殿寫 丈 儿案之 西 明之秀從賴氏催官之 金花夫人左 一鐘鼓亭各一其前殿左偏為 制度局 為燕喜亭與巽亭相 右為 洋環於墻 磴道之外 為二 夾室與後殿 置 流 爲巽位 、峯巒秀時 配以為飲福 說也奉 工於 可容車 今年 並 而 無量諸 地 亭翼於 左 事殿 .

武

《劉遊堂文集續編

秋冬之飲藏? 前 一世碌不與為吾鄉三百年來仕宦可謂盛矣先一世碌不與為吾鄉三百年來仕宦可謂盛矣先一人平予遜謝不獲乃作而言曰夫古人所謂不以為千秋人而子復以文名繼起其可無一言以 方伯姜公之碣子之先君大司馬實主其筆今司馬亦之盛少婁有男子十十十二 鄉雖甲於一郡可也盛衰隆替各自有時譬之一調直聲節烈文章著者代不乏人以不朽言之 來之盛必數倍疇昔也於是二三父老過而相 成於臘月八 以養春夏之花實也今兹癸亥為 日乙巳 ·登者莫不欣然信 崖

其何敢憚筆悉之煩於是次其始未與改作之意勒之先之乎值事諸君子所以勤勞於鄉者至矣僕雖不敏而適與上元甲子相值其為黑玉鉉之吉殆將自吾鄉 有先司馬之作存焉是為記 鼎取 石俾來者有所考若夫 也今諸父老穆卜於神明舍其舊而新是 / 3 Partier to the Company of the Co 、形勢之大觀山川之 1

不利

小為天

極備極無之患敢抒下悃仰籲高穹竊以自春祖夏 盡為魚鼈門廬宗兩悉付浮萍報災之官東頻來避 間 五旬積雨凝陰幾無晴日雷轟電凝編於東西南北 **羣黎四散濕衣蔽體何暇** 變作無邊苦海用是 高峽者激爲十丈重灘五嶺羅浮之波汎濫於諸 倒海領江注於田 師尹必有省月省日之勤然後水早燠寒不致 聽無不本之下民為雨為場實有關於庶政是 野問間之內千里牂牁之展奔 城類鄉徙岸圻隍崩老弱 携隔宿之 糧野樹為巢

晴表

且未 **小**埋身之所自夫懐 看 雅堂文集 彩彩 山襄陵之後東漸

西被以

而

陰霾 早歲之甘霖庶幾流散可歸朽骨有重蘇之望偃禾 民若其罪在某躬無為民虐其或政多緒謬尚可改 洪水橫流於茲為甚某躬膺簡命無治南州未度強 人谷旭 屬各殫愚誠藉淸詞以自通望紫宫 1我先不自我後觀萬姓之流離旣竭目力旣竭心思 使下民之 《無方以補救計惟歸命於皇天后土以保我城郭 尼深甫 日中天仰此洪波 宿孽難逃亦冀上天以好生為德謹率僚 下車而羣災並告反躬自省薄祜多恋 作異時之海潤飲兹靈雨

而叩首所願歸雲

			一 一 一 一 一 一 一 一 一 一 一 一 一 一 一 一 一 一 一	
			•	
•				
•				
		ļ	1	
		¥		,
				請也
十過分之	人休非臣	無疆之	起金勝有再熟之書實國家無疆之休非臣子過分之	起金縢
		, contract of the contract of	SCHOOL STATE OF THE PROPERTY O	STATE OF THE PERSONS ASSESSED.

位孰加焉南海之區尉陀是宅其先真定與王同藉 駢闐富有之福世孰先焉五福始終日壽日考異姓 遼左肇啓宏基王本何心百禄歸之自公而王自北 南封藩百粵鼎峙而三進野為親遂莫比肩寶函金册 並者亦稀永年砥柱中流惟王歸然壽考之 華彭英盧 偶然安享昇平垂三十年珍壁象屋百 地開其軸是生偉人 |厥躬不保李郭西平無土有號

1997

報從而行之豈不千億果新革故乾轉坤旋誰實安之 <u></u> 疾使我心側設奠几筵有淚沾臆嗚呼哀哉尚餐何言某等生平未瞻顏色今去公門謬為揖客榮焉 其安嗣極其繁天錫純假萃子一門以是合終夫復一器氣賢子孫之福古莫遠焉貴極其位處極其尊老 三十二人孫及曾元百爾為羣列第而居門皆

歸於茂才也而天下逾大飢茂才勤苦力學遭遇不偶 然姊知大義未嘗以不仕為嘆也姊生長先兵科之 鳴 歲吾移家亦西然後姊得歲數往來而白髮已 洞零略基奉先 北遊行東西異處歲半不能數見見亦不能久酉自 一姊亦未嘗以貧為愛也自茂才捐館含吾乃 孝廉公之媳門閥 呼不謂此別纔數日而姊竟一疾不起也自姊去 二而先夫人棄世十七而先兵科殉 人遊體者惟吾與姊二 高貴而承家清白貲用常不饒 在也吾又 们)種種

永別之哀云爾 無出頭日耳嗚呼亦 天假之 亦可以無憾旣年踰六十 媳茂才之妻幽冥路上俱可以無憾至於積 耶姊有三子 数年 憔悴問ク 則婚嫁之 **)** 登調吾姊勤苦 女納婦者二 事都畢 言豈欺我哉 不為 諸子皆才足 不壽為忠臣之 徐亦 皆己 長成 任少

開奉十句之慈母撫四世之兒孫成奕爽之寢廟卜在時之多鄭其中歲也拮据而守義其老境也知足而安 阿之考槃蓋有偕隱之孟光以成高尚之伯鸞昔 見之今胡爲露頂而不冠其生也世有詩書其長也值 言我獨遺之以安天將永錫以難老而高大其門 一歲吾者離見之今胡為白髮而丹顏吾神裾

非 較於今兹其中懷之耿耿者猶是而兩鬚之 聽而笑此獨應子聽 文夫握腕而行童子 **日五十年前非不可追五十年後是未可知以昔之** · 既五十矣而圖之如初其生平可概見也乃自 一局記を正と見積編 棒劍以隨其後劍鳴鞘中童 劍圖也獨應子為此圖輸三 THE

劍屬自費

大 述生平死且不朽予謝不敢當老友林所澤從大故哀號弗及心緒迷亂無以傳先人惟長者不能起君子 養在苫塊匍匐向子曰不孝 義忽呼子何攸狀吾友含欽之日予過視至痛哭小 衣衞指揮僉事私諡貞諡先生獨 日の方にからしていると 先公邦彥奉二親出居於邑之錦巖傳至君凡 姓陳氏諱恭尹字元孝廣州順德 安來吊過謂子日獨應非公莫悉也其勿解按君 子何攸狀吾友含飲之日予過 遠祖聖仕宋為機宜文字從端宗南遷卒於廣 仲子人謨元樞密副使樞密子徒家龍山迫 **| 漉陳公行狀** 人其先系出 長者代

本朝歐縣債 隱西樵結茅於樵之寒瀑洞而居焉已而念古 時天下 衞指揮 爲先公疏請賜 志亦迁潤 聞其才 負十 **僉事未幾而百學奉** 版籍己盡歸 授為監紀推官適鄉試榜發復薦第七 外湖 多万男行歌 公以諸生 隅正當 而不知其 即起跡儕輩 郇 公殉難亡 一走南都上政要萬言書 得 日落處泉而猶欲遂其魯陽 無補者也尋桂邸在端 匿鄉落得免 籍年 一補品

章頁而還如是者七年歸則酒掃松椒經營先 莫不短劒長歌慷當以慨蕭條寫客俯仰無人 黔陽信斷驂螭衛岳弭楫洞庭及從江漢下流 既襄葬事復出臺關擬爲西南之遊而洱海雲 坎井覺天地甚大反自我而隘耳因遨游 天塹於長江聽溪流于春穀入匡廬 及勾吳舉目河山懷情風景雄圖金虎霸氣亦 黃河而入汴繁臺歌吹夸門鼓刀不禁寂 Introduction to hadd 匹馬始歷中都望太行以解 遍識中原 流彭蠡取 盼

煩勞耗其心血致 里居 郴江 琵琶而歌至是遇於鄭州恍若前夢望 嚴夜夢大象 君智深勇沈有志當世之 室選勝 太息嗣逡巡南鄭取次 兩度 /程源室文集行歌 小馬冠蓋交遊贈答無虚日君之 江鄉掩戸著書經年 如是者三年君亦馬卿倦游 十餘頭乘舟 一病而 過 門象上有 寡出近且 振也或以 論古今如 且歸休 城 以 內 筆

中

辰有權勢廢餉佛山生民塗毒君以 流離因旨經百折而鋒鋩不露使然也稍憶歲 字半峰早已表其終老山林之志晚號獨應更以 自見然則君之以詩文知名即君之不幸也君 流布海內負當代盛名而君則謂丈夫當別有 以接人量足包容力能堅忍亦猶其愿患難死生 在存活製萬人又管出貲為祖祠設祭田以供 驗腑若毫芒為人 配其的於為義往往如此君有獨應堂集若干 其不忘忠孝之心蓋其畢生飮泣隱忍而不能 、軒豁而雅尙恬適康以立己

前新军守戎諱廷储公之四女出子 氏係崇順乙亥特科超舉港公諱粹之長女出 庚辰四月十二日未時壽七十有一元配增城湛 年辛未九月二十五日卯時終於康熙三 氏係原湖廣岳州府同知郭公諱鎮華之孫女 長髓南海增生次屬已 人者久自賦大招魂魄離散合帝告 一我欲輔之矣噫是可傳已君生 10人生三十八行財 一卯科舉人繼娶番禺 人适幼

大人先生哀其生平而錫之誄焉 學五公諱四知長子庠生得衆次適以下觀 候遇教諭吳公諱琨之長女女一人長適增 儒林郎州同李公諱長茂之欠女适聘新會 一門 蜀龍堂文泉 一 八諱文煒公之次女勵娶本邑李氏係於 鬱洲友弟梁佩蘭頓育拜 7

廌 補 惠襲 大 誻 林勢危 兵既定福建 生 破 甲申乙 ---重幼承 廣 玉同 M 庭 酉 Ŧ 彦乘間 林 走 遣 間兩 訓 訓習 巡撫 都 季贈 佟 相 忠 後學里 惷 兵部 甲總 殁 節 尚 兵李 明桂 其後蒼 年十二喪 書邦 成 王監 棟 盗 车 國 母 桽

者設行東下聲勢響應養甲懼急檄成棟返兵還救 **香干人走縣廷為珩如請命令懼激變珩如又行賄** 年李成棟叛附桂王迎王都肇慶兩粤粗定恭尹出複 一縣署別遭役圍珩如家新塘人素德珩如不期而集 邦彦邦彦不顧時恭尹年十七易服逃出有父友湛 事得解乃 踪跡之者急走泥子灣田舍中增城令疑之召珩 如者增城人義士也遣奴操舟密迎恭尹至新塘聞 事見 明史 移匿恭尹於家之複壁中及邦彦死節 尹虞尹殺之仲子罄尹亦死亂軍中 大兵知謀出邦彦掩捕其 一妾二子以

君... 衣命 閩 全家受戮 庚寅恭 事給 旣 浙 泛大 殂 假 於 勢益 避 軱 駐 治 失 喪戊子成棟兵至 聲 觀 不振恭 推時已 鄭 形勢於金 慟哭思欲以身殉之乃 成功屯兵閩 尹策其無成 南寧入安龍 無家可 陵由姑 一贑州敗 海 歸 ŧ 毎念 觀 還止杭 殁 間 兵再 關

雲南 尹泣 世科 推 婦 額 虎 生 寓 徘 新 為 尹欲 男言 門渡 塘 何 北 謝 即 衡 路絶 往從 珩 田 日吾先 何綘兄弟 鼓洋 如女也 五子迨婦有身恭尹復 乃 Z 訪 人有後矣遂 家柳 葬先 月道宜春至 旋與陶苦了 故 時 洞庭再 H 志讀書 海 原已 名 遊 定 共揮新亭之 昭 金 兵 陵至 謀 潭 砥 日贑時桂 圃等 海遺 燹 出遊 値 礪爲有 Ž 11: 避 及文 梁北渡

贑 用

誻 在 众於

大

其象 差 北 理者 吾之飄 八以所獲象獻捷路 鹭/ 有 桂 间 泊於此命也 逃 Ŧ 於 無復 緬 得脫自念身厯滄桑 甸 告警恭尹以各重爲 逐 軍王至雲 獲益 歌 大兵進 者宛然 遂鬱鬱南歸 鄭州恭尹知 是 ------時 南府 + 週 望矣 境機 殂 歲 恭 逾 桂 時 時 甲 尹聞 年 夢中 王 緬 ----肵 緬 將 雲 南 所

志 其前後 其險要置諸行篋其心力堅忍經 **尹脩髯偉貌** 思 形於詩 遠遊 室羊 接於是 氣局深沉嘗繪九邊圖并身所經歷 知其 城之 時為雕雲鏤 鶩當世及鬱不得逞東縛 江南所作懷古及 冠 避 益 盤鬱激昂頓 禍既 往來 以詩 月之 深迹彌 得其歡心 百折 詞 貴 近而心彌苦 足 페 以自 以 而 榯 題 鋒芒 無 掩識 議 成憂忿 其 諸 節 詩 者 者 或 露

離屢瀕於死 尹之 山人 內耆宿於其卒也有珍瘁之嘆杭大也謂降志辱身終當躋諸逸民之列 晉處士汉祉宋遺民嗟平 故其生平多沉 蒙難餘生幸完卵於覆巢之 元孝先 可與論恭尹 王裒有恨張儉無依傷已朱竹坨 傳寥寥百字但紋 之爲人矣 痛哀怨之詞有愴 四十一年 觀於此

一年始得見之子以先生忠孝之論忠烈於是忠烈雪聲堂集風行於 定确 傅以補其畧 翻閱全集并證以同時人詩文集及諸傳記作 生父忠愍得改 不彰於是

A可能とかっていき我 司致遺棄無幾好墜先褚云爾道光五年七酉來後而諸碑文序記則復網羅遺失者也悉附篇末數俾毋失其傳至奏疏數篇舊附刻先祖嚴野集澤所遺僅餘剝果懼終湮沒莫慰先靈委付之副共印本恒白珍藏客遊廿載始載歸見示嘅念手 跋 孫量平謹跋 图 敢遺棄無幾毋墜先緒云爾道光五年乙酉